

**Protocol no. 40**  
**Sezzüda da lündeschdi, 22 october 2012, 14.00 – 17.00**

**Preschaints:** Albert Mayer, Andri Poo, Men Caviezel, Dumeng Jann,  
Marianne Werro-Lehmann ed Angelo Andina (protocol)

Ils protocols nr. 38 e 39 vegnan suottamiss a l'approvaziun d'ürant la prosma sezzüda.

**321 021 FABRICA**  
**dret per fabricar sül cunfin; STWG Costa dad Archas**

La cumünanza da condumini Costa dad Archas vuol eriger üna tschuffa da laina sün la parcella nr. 423. La tschuffa cunfinescha directamaing cun la parcella da via nr. 604 dal cumün. Causa cha la tschuffa vain eretta suot il nivel da la via pro'l mür da sustegn nun es ella visibla nan da la via. Il Cussagl conceda ün dret per fabricar sül cunfin e quai a favur da la parcella nr. 423 a charg da la parcella nr. 604. Il cumün nu surpiglia ingüna respunsbiltà schi vess da dar dons vi da la tschuffa pervi da la ruotta da naiv.

**323 620 VIAS E PLAZZAS**  
**tonnascha "Feldweg"**

La via champestra, chi collia il territori da Spinatscha cul Stradun a Chanals es signalisada cun üna restricziun da 9 tonnas. In connex cun la meglioraziun es la via gnüda catramada. Intant vain la via douvrada da veïculs chi surapassen quista limita bainquant. La pulizia chantunala ha fin uossa desisti da dar multas. Da quinderinavant vuol ella però far controllas e chastiar surpassamaints. Il cumün sto perquai dozar la tonnascha, quai natüralmaing cun savoir, cha la via patischa plü ferm e cha'ls cuosts da mantegnimaint s'augmantan. Il Cussagl decida, dad adattar il pais als bsögns da pajs dals veïculs da pauraria moderns sün 18 tonnas e per üna larghezza da 2.30 meters (excepziunà ils veïculs agriculs). Per inoltrar la dumonda a la pulizia chantunala faja dabsögn d'ün'expertisa. Il büro Kindschi ha stipulà ün tal e vain a la conclusiun, cha'l dozamaint da la tonnascha nu saja in quist cas üna dumonda da sgürezza dimpersai da la dürada "da vita" da la via e dals cuosts da mantegnimaint.

**324 217.503.06 Sanaziun chasa da scoula**  
**credit da fr. 12'000.-- per catramar la piazza da scoula**

In connex cun la prolungazin da la via culla construcziun d'ün mür cun saiv es gnüda fuormada üna piazza pro la stanza da scoula da la 1. e seguonda classa. Per evitar merda tras la terra dess la piazza gnir catramada. La realisaziun dess succeder amo quist on e la firma Palatini ha fingià inoltrà ün'offerta. Il Cussagl decida ün credit da fr. 12'000.--. Quai a charg dal credit cumplessiv per la renovaziun da la chasa da scoula dal quint d'invesziun 2013 da la chascha cumünala.

325

**DIVERS**  
**IG Sur En; divers progets**

La cumünanza d'interess Sur En vaiva discus cun l'anteriur capo cumünal Jon Carl Rauch diversas propostas per ameglirar l'infrastructura turistica a Sur En. Ils respunsabels voutan uossa savair dal Cussagl, co cha quel vezza la realisaziun da las seguintas propostas:

- traget nouv da via sur l'aua da la Val d'Uina in direcziun da Pradella
  - il Cussagl vout spetar gio la nova ledscha forestala chantunala chi permetterà l'expropriaziun da terrain per fabricar vias champestras d'interess public. Fin uossa d'eira ün tal proget gnü impedi tras protestas.
- via da schlittras da chavals Sur En – Scuol
  - Quai es ün problem dal spazi. La loipa da passlung ha prioritä. Üna via seperada chaschuna gronds cuosts e'l Cussagl nu vezza pel mumaint üna pussibilitä da finanziaziun e giavüscha dals petents spiegaziuns plü detgliadas.
- sanaziun da la via chi maina a Sur En; fouras sfessas, surtratta nouva
  - per la sanaziun da quist traget es previs ün import da fr. 160'000.-- per l'on 2013 ed i'l plan da finanzas per l'on 2016 ün import da fr. 500'000.--.

Il Cussagl declera sia posiziun in üna charta a la cumünanza. Implü vout il cussagl as chattar culs respunsabels per discussiunar ils giavüschs da la IG Sur En.

326 805

**MEGLIORAZIUN**  
**president da la cumischiun da meglioraziun**

Davo cha Men Luppi vaiva demischiunà sco president da la cumischiun da meglioraziun, laiva il Cussagl propuoner a l'actuar suotsegnand sco successur. Angelo Andina vaiva però comunicà, ch'el as metta a disposiziun per l'elecziun in radunanza cumünala be, schi nu sun avant man ingüns oters candidats. Intant ha üna gruppa da sustegn proponü a Jöri Felix. Il Cussagl propuona uossa consequentamaing a sar Jöri Felix.

328

**DIVERSAS SCHEFS**

1. veïculs depositats sün terrain cumünal  
Andri Poo orientescha, ch'el perseguitescha respectiv ch'el piglia sü ün inventar dals veïculs chi sun depositats "illegalmaing" sün terrain cumünal e sün terrain privat. Il cumün sto lura avisar ils proprietaris respectiv ils cuolpabels, dad allontanar ils veïculs.
2. Sent – cità d'energia  
Men Caviezel es stat ad ün orientaziun respectiv ad ün barat dad ideas dals cumüns chi sun in possess dal label, "cità d'energia". El manzuna, cha'l cumün da Sent sto muossar sü acziuns in merit sch'el vout tegner il label. El pensa p.ex. als s-chodamaints da stabels cumünals chi nu correspuondan brichafat a las pretaisas d'üna tala "etiketta".
3. aldümers  
Men Caviezel renda attent sün aldümers chi's rechattan sün terrain cumünal ed aldümers chi nu correspuondan a las prescripziuns da deposit. El vout, cha quist tema gnüa tractandà prosmamaing.

1. charta Gurlaina SA

Cun charta dals 05.10.2012 invidan ils respunsabels da la Gurlaina SA sco minch'on a tuot las classas da las scoulas publicas per far adöver da la halla da glatsch Gurlaina a Scuol davomezdi tenor cunvegna. Andri Poo pissera per l'infuormaziun in merit al cussagl da scoula ed a la magistraglia.

2. Chava Tramblai; posiziun da la Pro Natura

Il cumün ha inoltrà pro'l Chantun üna dumonda per fabricar dadour la zona, vuol dir per pudair explotar la chava da glera Tramblai (parcella nr. 1535). La Pro Natura Grischun piglia uossa posiziun in merit. Ella pretenda, cha

- l'explotaziun da glera nu dess gnir permissa
- da fermar l'explotaziun e da refar il stadi uriunt

L'organisaziun motivescha, cha la parcella as rechatta in üna cuntrada cun importanza naziunala, in ün Geotop dad importanza regiunala ed illa zona per la protecziun da la cuntrada. Il Cussagl intimescha uossa üna sezzüda cun las personas respunsablas da la Pro Natura, cul silvicultur Duri Könz, Andri Poo, Men Caviezel e Mario Riatsch.

3. comunicaziun dumondas da fabrica

Il Cussagl comunichescha als büros d'architectura da la regiun, cha'l cumün piglia incunter dumondas da fabrica, chi suottastan a las prescripziuns da l'iniziativa regard seguondas abitaziuns fin als 31.10.2012. Per dumondas chi aintran davo quista data, nu po la cumischiun da fabrica plü garantir, cha quellas pon gnir trattadas amo a temp. Davo ils 31 december 2012 valan las prescripziuns respectivas.

4. charta Aita Dermont

Cun mail dals 19.10.2012 cumplondscha duonna Aita Dermont-Stuppan, cha'l cumün ha invidà a l'aperitiv dals possessurs da seguondas abitaziuns be in lingua tudais-cha. Ella giavüscha, cha'l cumün da Sent invida in avegnir in prüma lingia in rumantsch e – schi fa dabsögn biling.

5. dieta Center da sandà a Zernez

A la dieta interregionala "punts pel futur" in marcurdi, 21 november 2012 a Zernez piglia part il capo Albert Mayer.

l'actuar ad hoc:  
A. Andina